

Erbe neher vnd besser gelegen sein / denn dieser / darumb so
wollen wir einen Tausch oder Wechsel mit einander thun /
Nemlich / Ich wil dir bey deinem Erbe zwene Gärte für die-
sen geben / das ein jeder halb so groß ist als dieser / Denn ein
jeder ist 4. Ketten lang vnd 4. Ketten breyt / welches zusamen
auch 8. Ketten lang vnd 8. Ketten breyt thut / Jener war mit
dem Wechsel wol zufrieden / denn er verstundt die Kunst der
Geometria nicht / Darumb ward er vmb die helffte des gros-
sen Gartens / nemlich / vmb 500. fl. von dem andern vber-
fortheylet / Denn der grosse Garte helt in sich 64. geuierter
Ketten / das ist $5\frac{1}{3}$. Morgen / Die andere zwene aber halten
nur 32. Ketten / das sind $2\frac{2}{3}$. Morgen.

Folget die Proba.

Der grosse Garte.

8. Ketten breyt.

8. Ketten lang.

1	2	3	4	5	6	7	8
2							
3							
4			64				
5							
6							
7							
8							

Summa 64. Ketten.

M ij

Die